

A ÑUCAMA SINANXUN CA AXA ANU TIMĒCĒ UNICAMAN ĒSAQUIN CAXA:

A PAIN SINANCĒ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raírĭ usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ĕsai iti 'icĕn: ańu ńu ńui cara banaia a cupĭ ubĭocĕma itĭ, 'ianan ańu ńu cara sinania a cupĭ ubĭocĕma 'iti, 'ianan ańu cara pisa tania pianan ain cuĕĕncĕ ńu bianan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masó nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubĭocĕma 'aish chŭamarua 'inun ca camabi nĕtĕnu 'icĕ gobiernobĕ ain unicomaribi bĕtsi gobierno 'imainun ain unicomabĕ nishananima upĭ iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ńu 'acĕma 'aish ca camabi uni bĕtsibĕ sĕnĕn 'aish ubionancĕma upiti itĭ icĕ quixun sinanquin camabi uni usai 'inun 'aquinŭ camaxbi 'ĭdsamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atŭn sinancĕsabi oi nun nĕtĕnu 'icĕ unicama 'atima ńu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubĭocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĒCĒ UNICAMAN ĒSAQUIN CAXA:

Camabi nĕtĕnu 'icĕ unicaman: ĕsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ńuicĕ banacama manutimoquin sinŏnan an ĕnĕ bana 'unancĕma unicamanribi upĭ oquin 'unŏnun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unŏnun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unŏnun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca ańu ńu ati cara asŏbi 'icĕn, ańu ńu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icĕ ĕmanu 'icĕ uni cara ax 'icĕ, ui unin aintsi cara ax 'icĕ, ax cara xanu 'icĕ, ax cara nucĕ bĕnĕ 'icĕ, uisa banan cara banaia. Nucĕn Papa Diosmĭ cara sinania, ami sinanima ańu ńubi rabi cara sinania, ui unicomax cara 'apu 'iti ice quixun sinania, ańu ńu cara sinania, uisai cara ain papa ain tita 'ia, ńuńu cara ax 'icĕ, ńuńuma cara, usa ńucama sinanquinma ca gobiernonĕn camabi uni ńu 'atima 'acĕma 'aish ca bĕtsi unibĕ sĕnĕn icĕ quixun sinanti 'icĕn.

Uisa cara ain nete icĕ, a nĕtĕ cupĭ ca uni 'atimocĕ 'itima 'icĕn.

3.

Ui unibi ca bĕtsi unin bamamiti sinantima 'icĕn. Ca chiquĭtimoĭ sipuacĕ 'itima 'icĕn. Ca 'atimocĕ 'itima 'icĕn.

4.

Uinu 'icĕ unixbi ca chiquitimoquin marucĕ 'itima 'icĕn. Uni chiquitimoquin maruxun 'ibuati 'aĭma itĭ 'icĕn.

5.

Uinu ice unibi ca 'aisamaira oquin uni itsin paĕ tanmitima 'icĕn. Bĕtsi uni ami nishquin paĕ tanmiquin 'atimocĕ a ca 'itima 'icĕn. ńuina 'acĕsa oquin 'atimocĕ ca uni 'itima 'icĕn.

6.

Uinu 'icĕ unĭxa uinu cara 'ia a ca anu 'icĕ gobiernonĕn uni itsi 'acĕsaribi oquin sinanti 'icĕn, ax bĕtsi unisaribi 'icĕ cupĭ.

7.

Uinu ice unibi, ami uni itsin upima sinanquin parŏnan 'atimonunma ca gobiernonĕn 'aquintĭ 'icĕn. Enĕ banacama sinanquinma ain cuĕĕncĕs a oquin unin unĭ itsi atimoĭ ami 'ĕsĕnanunma ca gobiernonĕn bĕrŭati 'icĕn.

8.

Uni ñu 'atima 'acëma 'icëbi uni itsin 'atimocë 'ixun ca a unin an uni bana mënioxuncë 'apu cati 'icën. Cacëxun ca mëniotí 'icën, gobiernonën cacësabi oquin.

9.

Uinu 'icë unixbi ca añubi 'uchacëma 'icëbi bëtsi uni ain cuëëncësa oquin sipuacë 'itima 'icën. Sipunu 'icë ca anubi 'inun ëntima 'icën. Ain menua ca bëtsi menu cuantanun xutima 'icën.

10.

Unin uisa ñu 'acë 'icëa bëtsi uni a 'aisamonun quixun ami mananquin cacëxun ca an bana mënioçë 'apun bëtsi uni manancë a unin banaribi asërabi cara usa 'icë quixun 'unantí 'icën, uni raírinënribi ismainun. Upí oquin istancëuinshi ca cati 'icën, uisa cara a uní otí ice quixun, gobiernonën ain quiricanu mëníosabi oquin.

11.

Uinu 'icë uni cara uni itsin ami manania, a ca an bana mënioçë 'apun pain upí oquin sinantí 'icën, sapi ca ñu 'atima 'acëma 'icë quixun. Gobiernonën cacësabi oquin pain ca isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asërabi uisa cara a uni 'iaxa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asërabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nētē ain fecha isquin ca an bana mënioçë 'apun a fecha gobierno quicë bana bëtisoima a bana quicësabi oquinshi axa 'uchacë uní atí icën.

12.

Uinu 'icë uninbi ca ain cuëëncësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmice 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioceapun gobiernonën cacësabi oquin meniotí 'icën.

13.

Uinu cara uni cuainsa tania, anu ca cuanti 'icën; ain nētēnu 'aisch uinu cara tsotisa tania ca uni anu tsoti 'icën.

Ui unix cara ain nētēnuax nētē itsinu cuainsa tania ax ca cuanti 'icën. Amanu 'itancëx ain nētēnu utēcëinsa tani ca uti 'icën.

14.

Uix cara ain nētēnuxun bëtsi bëtsi ocë 'ia ax ca tēmëranuxma bëtsi nētēnu cuainsa tani cuanti 'icën.

Ain ñu 'atima 'acë cupí gobiernonën mënioquin 'atimocë usa uni ca ain nētēnuax tēmëratí rabanan bëtsi nētēnu cuantima 'icën.

15.

Camabi uni ca ain netenu ití icën.

Enë nētē minan 'aishbi ca minanma 'iti 'icë quixun ca unin bëtsi uni catima 'icën. Bëtsi nētēnu 'isa tanquin ca unin usai 'inun gobiernobëtan mëniotí 'icën.

16.

Bëtsi bëtsi unix ca quia: Uni canice ixunbi ca bëtsi netenu icë xanu bitima 'icën, ca bëtsi banan banacë xanu bitima 'icën, ca an rabicë dios rabicëma xanu bitima 'icën. Usa unix quicësaí ca 'itima 'icën. Unin usa xanu canicë 'icë bisa tanquin ca bití 'icën, a xanu cuëëncëbëtan. Atux 'isa tani ca bëchicënu 'ití 'icën. Gobiernonën iscëx ca a uni ain xanubë sënën 'icën, xënbua 'ainbi.

Nucë bënë cuëëquinshi ca xanu biti 'icën, a anúribi cuëënia ca bití 'icën.

Tuócama ain tita ain papabë 'aquiananti ca asóbi 'icën. Usai upiti bucunun ca camabi unin sinantí 'icën. 'Apunribi ca usai 'inun sinanxunquin 'aquintí 'icën.

17.

Uni meñu 'isa tania ca uni itsin meñu 'inun ënti 'icën. Xuburibi 'imainun añu ñuñu cara uni 'isa tania ca uni itsin a ñuñu 'inun ënti 'icën. 'Aisa tanquin uni rairibëtan mëníotancex ca a ñu ainainshima, rairinanribi 'iti 'icën.

Unin ca ain cuëëncësa oquinshi bëtsi unin ñu bitima 'icën.

18.

Camabi unin ca ain cuëëncësa oquin sinanti 'icën; uni rairinën ubiócëma ca 'ití 'icën. Uisoquin cara ain dios rabitisa tania usoquin ca 'ati 'icën. Usaquin sinanxunbi ca amiribishi 'aisa tanquin sinantécentí 'icën; uni rairinën ubiócëma ca 'ití 'icën. En rabicë diosan iscëx ca bëtsi bëtsi ñu 'ati 'aisama 'icë quixun sinancë uni ca bëtsi unin a ain cuëëncësabi oquin 'anun ënti 'icën. Usa ain ca ain diosmi catamëisa tania bëtsi unin a 'axunma 'anun catima 'icën. An rabicë dios ca anbi rabití 'icën. 'Aisa tani ca uni rairibë timëquin abëtan rabiti 'icën.

Rabiquin ca 'aisa tanquin rairi uniribi ain dios ñuiquin 'unanmití 'icën.

19.

Camabi unin ca ain cuëncësa oquin sinanti 'icën. Ca ubíocëma 'iti icën. Ca bëtsi unin cacë bana 'aisa tanquin sinanti 'icën. Bëtsi nëtënu 'icë unibëribi ca 'unanmiananti 'icën. Usai 'i ca ubíocëma iti 'icën. Usaribi oi ca ain sinancë ñu ñui banatisa tani banati 'icën; ca ubíocëma 'iti 'icën.

20.

Uni rairibë timëtisa tani ca uni upí oquiinschi sinanx timetí 'icën.

Uinu 'icë uninbi ca bëtsi unin abëtan ñu 'aisama tania ubioxun ñu 'amitima 'icën.

21.

Camabi unin ca libreta electoralñu 'ixun ain cuëncësa oquin 'apu caisquin votación 'atí 'icën.

Gobiernonën ain nëtënu 'icë unicama 'aquinun mënioçë ñucama ca camabi uninan 'icën. Ca esa 'icën: Bai cha anun ca carrocama 'imainun unicama cuainsa tani cuanti 'icën. Anun quirica buanmiti correo anun ca unin 'aisa tanquin ain quirica buanmiti 'icën. Usai ca 'iti 'icën.

Uisa gobierno cara a nëtënu 'icë unicama cuëñia, usa ca ain gobierno 'iti 'icën. Uisa gobierno cara a unicama cuëñia 'unónun ca libreta electoralñu 'icë unicaman quiricanu cuëñeoquin uicama cara ain 'apu 'iti cuëñia quixun 'unónun 'ati 'icën. Camabi uni ain sinancësabi oquin ca uix 'apu 'iti cara cuëñia, ain anë quiricanu cueneotí icën. Cuëñeoçë ca uni itsin 'unantima 'icën, anbi cuëñeoçë ca ití 'icën. Camabi uni ca bëtsibë sënën 'icën. Usa 'aish ca camabi uni gobierno quicësabi ol libreta electoralñu 'iti 'icën.

22.

An ñu 'atima 'acëma 'aish ca uinu 'icë unixbi rabinima bëtsi uni 'icësai ñu meetinu ianan uni rairibë nuianancë 'ianan ain rairinën ñu 'acë 'icësaribi oi 'isa tani iti 'icën. Uní usai 'icëma 'aish tëmërala ca uni itsin 'aquinti 'icën, ain 'apunribi mënioçësabi oi ca 'aquince ití icën. Uní ain nëtënuax cara uisa ñu cara 'icëbë tëmëria ca bëtsi nëtënu 'icë gobiernonënribi 'aquinsa tanquin 'aquinti 'icën.

23.

Camabi unin ñu mëëtisa tanquin ca ñu meetí 'icën. Añu ñu mëëti cara 'aisa tania a ñu mëëti mëraqin ca 'ati 'icën. An ñu mëëmicë unin ca ain uni 'atimotima 'icën. Ñu mëëti 'alma 'ain ca 'apun ñu mëëti mëranun 'aquintí 'icën.

Ui uni cara, uisa cara ain bana 'icë, camabi uni ca sënen 'icën. Usa 'ixun ca upí oquin ñu meece 'ixun bëtsi unin 'acësaribi oquin ain cupí bití 'icën.

Ui unin bëtsi uni ñu mëëxuncë 'ixun ca ain cupí bití 'icën, a 'imainun ain xanu 'imainun ain bëcicëcama upiti bucunun. Ain cupí 'itsamashi bicë 'aish 'aquinsa 'icë ca apun anun a 'aquinti mëníoti 'icën.

An ñu mëëcë uni raíri unibë timëquin bëtsibë bëtsibë aquiananisa tanquin, ulsoquin cara ain ñu mëëti 'ati 'icë quixun sínónan uisa cara ain ñu meetí icë quixun acama sínónux timëtia ca uni itsin usaquin anun enti icën.

24.

Camaxbi ñu mëëtancëx tantiti ca asóbi 'icën. 'Uráinra tantiquinma ñu mëëtancëx ca tantití 'icën. Anun tantiti nëtë gobiernonën mënlocësabi oquin ca unin ñu mëëquinmabi ain cupí bití 'icën.

25.

Camabi uni 'imainun ain xanu 'imainun ain bëchicëcama ësai 'iti ca asóbi ''icën: 'insincëma chuómarua, pitiñu, chupañu, anu itinu, insincë 'aish roñu 'iti. Uní ain ñu meetí 'alma, uní insince, uní bëtsicë, xanu casunamëcë, uní xëni acama anun upiti 'iti 'alma 'ain, ain aintsin 'aquiniama ca a 'aquinti 'apun mëníotí 'icën.

Tuáñu xanucama 'imainun tuácamaribí upití inun ca 'aquincë ití icën. Bëtsi tuácama 'icësaribitia 'inun ca unin xanumi sëcë' ocë tuácama bërúance ití icën.

26.

Camabi tuó ca escuelanu atsintisa tani atsinti 'icën. Cuploquinma ca primaria 'ati pain atsinti 'icën. Camabi tuóratsu ca escuelanu cuanti 'icën. Ui unicama cara escuela técnica anu atsintisa tania ca anu cuanti 'icën, apun mëníofabi oi. Secundaria cëñutancëxun bëtsi ñuribi unantisa tani ca bëtsi escuelanuribi atsinti 'icën, ain nota asóbi ain.

Escuelanuxun ca quiricanu cuëñeoçë ñuishi 'unanmicëma 'iti 'icën. Anuxun ca alumnocama bëtsi ñu 'atiribi 'unanmicë ití 'icën, 'imainun ca upí oquian alunnonën sinanti aribi 'unanmicë 'iti 'icën. Bëtsi menu 'icë unicama 'imainun bëtsi banan banacë unicama 'imainun Nucën Papa Diosmí sinancë unicama 'imainun ami sinancëma unicama, camabi nusaribi uni 'aish unibë nuibananti ca 'unanmicë 'iti 'icën. Usaquin sinanmicëx ca gobiernocaman xucë unicama timëxun cuëncësabi oi unicama bëtsibë nishanani 'acantanti 'aima ití icën.

Bëtsi unin cacësamaira oquin ca ain titabëtan ain papan cati 'icën, uisa escuelanuxuinra cara ain bëchicënën ñu 'unantí ice quixun.

27.

A ěmanu 'icě unicaman 'acěsa oquin ca anu 'icě uni rairiněn 'aisa tanquin usaribi oquin 'ati 'icěn. A ěmanu 'icě unicaman sinancěsa oquin ca anu 'icě uni rairiněn 'aisa tanquin usaribi oquin sinanti 'icěn, camaxunbi ñu 'ati upí oquin 'unónan upiti bucunun.

An ñu 'acě uní 'imainun an ñu cuěñěocě uni anpan 'acě 'ain ca bětsi unix, en 'acě ca quiax quitima 'icěn. Usai bětsi unix quiti rabanan ca an ñu 'acě unin 'aisa tanquin an 'acě ñu a 'apu 'unanmiti 'icěn.

28.

Eně quiricacama quicěsabi oi camabi uni uni itsin ublocěma upiti bucuti 'inun ca camabi nětěnu icě unin ain aintsi 'aquinti 'icěn.

29.

Camabi únin ca ain ěmanu 'icě unicama 'imainun a 'urama 'icě ain caibucama 'aquianan atubětan ain ěma 'imainun mecama upí imití 'icěn. Usaquin 'ai cuni ca unix masá sinancěma 'aish upiti 'ití 'icěn.

Unix ublocě 'aish upiti bucucěma 'imainun unin ñu 'atima 'aquin uni itsiribi ñu 'atima 'amiti 'imainun bětsi bětsi ñu sinanquin uni raíri tsuáquirumiti usai 'iti rabanan ca gobiernoněn ain unicaman cuati bana mēñoia. Usa oquin mēnlocě banacama ca ain unicaman cuati 'icěn.

Gobiernocaman xucěx timčě unicaman upí oquin sinanquin ca ěñě banacama cuěñěoxa. Usaribi oquin ca camabi unin ěñě bana isquin, usaquin sinanquin 'acě ca enex ice quixun upí oquin sinanti 'icěn. An 'acě unicaman sinancě bana ca bětsiotima 'icěn.

30.

Eně banacama bětsioquin ca uinu 'icě uninbi uni raíricama upiti bucunun quixun sinanquinma, 'ěx cuěěncěsa oquin 'anun ca a bana quia quixun sinantima 'icěn. Uni raíri bětsi unibě timēcēcama 'imainun gobiernonu ice apucamanribi ca usa oquin sinantima icěn.